

欽定剿平三省邪匪方略

欽定剿平三省邪匪方略正編卷七十四

戊午年

六月十七日巳酉德楞奏言高均德等賊匪屢

經官兵在陝截殺遂由鐵鎖關一帶竄入川境

臣於五月二十六日帶兵六千餘名由黃壩驛

跟蹤追剿又恐南山內道路紛歧賊匪或乘間

仍由別路竄回陝境當督同阿哈保賽沖阿温

春總兵達音泰巴圖魯侍衛等率領兵丁分道

截擊該匪等一路狂奔不能回顧六月初二日  
追至廣元之木門壩我兵乘勢掩殺當斃六百  
餘人賊衆望前奔逸又竄至南江之長池壩地  
方時有阮正通等各股賊匪在彼屯踞該匪等  
遂與合夥臣等於初三日酉刻會齊數路官兵  
冒雨趕抵該處見賊衆佔據恩陽河大山臣卽  
於對面山梁紮住時已天晚未便進攻復恐該

匪等乘夜偷襲我營起更後密派阿哈保德寧  
等於賊巢左邊山坎下埋伏又派賽沖阿達音  
泰等於右邊樹林內埋伏如賊撲營卽令兩邊  
齊出夾擊一面暗傳號令營內各將士俱在卡  
墻排列火鎗潛行偵伺至四更後果有賊人率  
領匪黨直撲前來我兵當卽施放排鎗擊斃賊  
匪二百餘人賊衆卽行撤退我兵從後掩擊又

殲斃一百餘人賊匪紛紛奔竄復有阿哈保賽  
沖阿等兩路伏兵迎頭攔截殺死四百餘人生  
擒張先等三十餘人賊衆捨命分逃俱向東南  
一帶竄去提訊張先等供稱高均德等在長池  
壩地方始與阮正通會合聞龍紹周王正潮等  
幾股已向前去高均德說要探聽龍紹周等如  
已與羅其清冉文儔合夥即便逃至該處再作

算計今被官兵殺散阮正遁先已逃去高均德亦隨後跑走等語當將該犯等正法臣伏思高

均德等既已竄往前途不惟可與龍紹周等互相聯絡且可與羅其清冉文儔等一氣勾通現在督率將弁趕緊窮追一面飛咨惠齡恒瑞帶兵迎截惟期併力圍剿不使折向北竄如賊匪被剿情急向東奔逃臣卽飛咨勒保派兵迎擊

以冀速行葢事所有連日傷亡弁兵查明另行  
咨部奏入

上命軍機大臣傳諭勒保宜綿德楞泰秦承恩曰德  
楞泰奏追剿賊匪情形雖前後殺賊千餘而賊首  
高均德阮正通等仍向東南逃竄未能卽時擒獲  
實屬無能前此該匪等窮竄入山由德楞泰明亮  
等不能親率勁兵直前奮擊致復由陝竄川今德

楞泰既赴廣元迎截帶領勁兵七千餘名乃又任其竄去與阮正通冉文燾等合夥尤屬延玩德楞泰前此遷延貽悞本與明亮同罪因明亮列名在前是以未將伊一體治罪原望其圖功自贖不料伊又縱賊首竄入川境合夥迄未擒獲一名種種遲緩罪竟與明亮相埒德楞泰著革去御前侍衛署領侍衛內大臣都統仍留副都統職銜以觀後



效倘接奉此旨能知感畏卽將李全高均德等擒獲仍可施恩若再不知愧勵仍前尾追復任賊首蔓延滋擾必將伊從重治罪斷不能再邀曲貸其漢中西鄉一帶著責成秦承恩王文雄等督率兵勇嚴密防堵毋又任賊匪折竄陝境致干重咎此時陝省賊匪竄入川省與川匪屯集一處正可聚而殲洗明亮如何趕赴前途與惠齡恒瑞德楞秦

併力抄截勒保會否派兵會同夾擊擒獲首逆之處並著速行具奏

二十一日

癸丑

英善福寧奏言川省王三槐等各

股賊匪蔓延奔竄經勒保分派將弁兵勇設法

兜剿而賊蹤往來無定運道時致梗塞

臣

等察

看情形視賊蹤之遠近定運道之所向多方籌

計繞道轉輸總期源源接濟不使稍形匱乏其

惠齡恒瑞一路軍糧亦飭川北各州縣隨時運  
供并接德楞泰來信現在帶兵赴川追剿高均  
德等臣當派隨營糧員於廣元接辦糧餉并於  
保寧省城兩處就近派撥餉銀三萬兩糧米五  
千餘石火藥五千斤飛運廣元所需弓箭等項  
亦飛飭省城上緊運往以資剿賊惟接准陝省  
來文尙有餘匪由馬道武關竄至兩當畧陽一

帶滋擾所有甘省由畧陽運川麥石暫行停運  
其撥川餉銀四百萬兩亦皆陸續運抵西安因  
棧道鳳留褒沔一帶賊氛未靖難以轉運等

查川省需糧需餉萬分緊急現已飛咨宜綿秦  
承恩派兵設法疏通并聞明亮亦帶兵於大安  
一帶剿捕想不日搜盡餘孽即可將糧餉趕運  
來川又昨准景安咨會尚可於荊州漕米內動

碾二萬石已飭楚局派員雇船裝運入川至夔  
州交收臣等俟前項銀米運至夔州卽就近接  
收撥供川東各路兵精此外如各路軍營所需  
添解火藥鉛丸以及補製鳥鎗刀矛並據咨調  
帳房二千頂均隨時分飭承辦各員逐一製辦  
照數運供刻下均皆足用奏入

上命軍機大臣傳諭勒保宜綿秦承恩英善福寧曰

英善等奏陝省賊匪竄至兩當畧陽一帶所有甘  
省運川麥石暫行停運其撥川餉銀四百萬兩因  
棧道賊氛未靖未經轉運是棧道一帶道路尙未  
疏通軍需糧餉最關緊要豈可稍有阻滯英善已  
飛咨宜綿秦承恩將棧道設法疏通現在該處是  
否已無賊匪糧餉等項會否陸續運川不致停滯  
宜綿秦承恩係該省督撫務須實力搜剿肅清道

路俾得通行無阻勿致稍有踈虞至糧餉入南棧  
後勒保亦應派兵迎護現在是否源源接解不致  
遲悞之處並著逃速具奏

二十三日

乙卯

勒保奏言王三槐等一股賊匪屢

次衝撲東鄉太平邊界悉經兵勇截回遂由開

縣一路折竄

臣

偵探賊蹤恐該匪等東趨夔府

關係緊要當飭觀成等於奉節大寧交界之青

莊坪黑樓門一帶相機堵截並嚴催富爾賽等  
督率兵勇趕緊追擊嗣該鎮進抵楊子嶺地方  
賊匪正在過河奔竄官兵卽從長店房下游躡  
渡繞出賊前千總桂涵帶領鄉勇隨後掩襲賊  
匪猝不及防立斃四五百人其餘均由雲開店  
竄至陳家山安樂坪一帶屯紮至徐添德等一

股賊匪從大竹折竄達州經臣督率百祥等馳



赴檀木場亭子舖一帶設法迎擊並於新寧之  
天池寺東鄉之南壩場等處節節安兵預備截  
剿又飭富成七十五帶領官兵跟蹤而進該匪  
等由山溝小路連夜竄遁各路官兵自二十八  
九至初三四等日叠次邀擊於蓮花菴七里峽  
等處斃賊一千五六百名將至南壩場賊匪見  
官兵迎頭而至遂從上八廟一路竄赴開縣之

三滙口而逸其林亮功等一股賊匪自開州坪  
竄至葛藤山之後經署梁山縣知縣方積會同  
叅將舒靈保等先將路通梁萬各隘口分佈兵  
勇堵截六十七富森布艾如文等帶兵一路舒  
亮與知府吳桂帶兵一路互相犄角該匪等屢  
次攻撲蝦蟆石荆竹園等處營卡均經方積等  
分兵剿截賊匪傷亡甚多二十六日賊衆又從

鳳凰山溝內奪路思竄舒靈保及遊擊王宗佑  
郭烜帶兵下壓賊匪往來衝突並不稍退方積  
在荆竹園地方遙聞鎗礮緊急復率鄉勇星馳  
策應三路合攻自辰至未斃賊五百餘人時適  
有被擄逃回鄉勇林貴一名到營據稱現在賊  
匪係白巖山五營總元帥林定相乃林亮功胞  
姪方積隨派撥兵勇於三更時令林貴引路直

撲賊營該匪等猝不及防林貴當將林定相及  
總礮手楊世美二名一併手刃割獲首級回營  
呈驗賊營立時慌亂昏黑之中殲斃不可勝計  
二十七日各路官兵同時並進該匪等抵死守  
禦我兵愈逼愈緊相持竟日至起更時風雨驟  
至賊匪卽從東面一帶冒雨逃竄總兵艾如文  
副將王承勳遊擊李芝榮等分兵四路併力衝

擊斃賊六百餘名將賊匪截爲兩段所有未經  
逸出之賊約計一千三百餘名剽洗殆盡刀矛  
旗幟及牛馬等類遺棄無數其在前逸出之賊  
經舒亮吳桂會同六十七富森布等分路追趕  
本月初一日至陳家場地方賊匪奔竄不及復  
經官兵兩面截擊殲斃四百餘人其餘匪衆亦  
由臨江市三滙口二路竄逸臣查開州坪一股

賊匪傾巢奔竄人數衆多連次殲斃五六千名  
將林定相臨陣殲斃並據六十七富森布具報  
所殺賊匪內驗有林亮功之子林應超林應堪  
二名均係緊要賊目雖林亮功等一時尙未全  
獲而所存匪黨不過二三千人勢益窮蹙且現  
在王三槐等所竄之陳家山地方卽係林亮功  
起事處所徐添德等亦接踵而去或者三股合

併正未可定惟陳家山在開縣雲陽之交與大  
寧奉節太平東鄉界址毗連道路歧錯除大寧  
奉節一面已經知會觀成帶兵堵截並派穆克  
登阿星夜前往會剿外臣現在馳抵開縣另將  
各路官兵分投布置總期將各股賊匪首夥併  
力殲除上慰

聖匯此次各路打仗叅將趙不溶遊擊郭烜守備胡

希照千總嚴正把總杜耀先等五員陣亡又遊擊褚大榮受有兩傷守備熊廷相把總桑漢均經受傷其餘傷亡兵勇另行查明咨部

勒保又奏言阮正通等各股賊匪滋擾通巴南江一帶屢經臣飭令李鈗率屬團勇堵截嗣該

匪等竄入通巴交界之神灘溪地方該道分派牧令前往剿辦茲據稟稱巴州知州常發祥帶



領鄉勇由官渡溪進發該匪等又竄至青峪口  
距通江縣甚近署縣徐廷鈺同守備馬國柱亦  
分帶兵勇堵截正在合擊之際復有賊匪一股  
從巴州西北之兩河口一帶焚掠逼近平梁城  
李鉉卽督率署州判費恩綸教諭彭昭麟挑選  
鄉勇前赴元頂山趕緊堵禦賊匪蜂擁向前攻  
撲該道等紮住山梁用礮轟擊斃賊三百餘人

匪衆猶抵死抗拒適常發祥聞知後路有賊率  
領把總陳安邦等馳回來擊賊匪兩面受敵漸  
行敗竄次日賊匪糾衆復至李鉉與常發祥帶  
兵從元頂山左右抄壓而下並派候補知縣楊  
在韶典史吳壽添調寨勇由後衝擊而至賊匪  
立時大潰被戮八百三十餘名割獲首級三百  
七十五顆生擒六十九名領首生員李輝陽衝

入賊陣鎗斃執旗賊首一名從賊屍懷內搜獲  
銅印一顆驗係襄陽鎮總兵關防研訊活賊龔  
成等僉供此股賊首係龔懷仁前在陝西與姚  
之富等合夥去秋從川東折回卽在太平西鄉  
交界往來劫掠搜獲銅印是去年在奉節地方  
打仗傷官搶得之物龔懷仁手下有一千三百  
餘人現從陝西入川要到儀隴約會羅其清下

山仍往陝西一路不料走到此處就被打敗等語當將該犯等一併正法又據署縣徐廷鈺稟報阮正通等竄至青峪口該令督率鄉勇由板橋口進攻沿途殺賊一百餘名賊匪望風奔走直從柳林溪奪路竄入西鄉邊界臣查西鄉一帶本有署鎮臣田有成等帶兵堵禦賊匪竄至該處正可迎頭截擊其翼懷仁一股爲姚之富

夥黨兩次自陝入川且帶有襄陽鎮印信卽係  
戩害鎮臣馬礪正城今惡貫滿盈全夥就戮洵  
堪稱快又據報高均德一股賊匪復由寧羗一  
路竄入廣元德楞泰帶兵追剿現抵巴州之恩  
陽河地方諒該首逆等敗竄之餘自無難逃行  
撲滅再知府銜候補同知直隸州署梁山縣知  
縣方積屢次殺賊保守地方極爲出力茲於荆

竹園等處打仗又能鼓勵鄉勇殲斃賊首洵屬  
奮勇可嘉又川北道李鈇署巴州知州常發祥  
剿捕龔懷仁股匪全數殲除查獲原失襄陽鎗  
印信亦屬勇往能事可否仰懇

聖慈量予鼓勵出自

天恩其領首生員李輝陽應請給予七品頂戴事竣

送部引

見鄉勇林貴先給千總委牌如果始終奮勉卽於軍  
營遇缺拔補其總兵艾如文副將王承勳遊擊  
李芝榮帶兵截剿林亮功股匪雖亦殺賊多名  
但賊匪所竄之處正在艾如文一面營卡未能  
全數殲擒究屬有誤應請

旨將艾如文王承勳李芝榮三員拔去花翎以示懲  
儆軍行功過所在臣惟有秉公核辦斷不敢稍

爲狗際

同日秦承恩奏言

臣

與王文雄剽爭棧西竄匪

帶兵前赴漢中途次據西鄉縣稟報川匪一股

竄至該縣邊界之菩提河正在趨緊前進適接

明亮札會此股賊匪係阮正通爲首約五千餘

人初六日明亮帶兵在城固之二郎壩痛加截

殺賊匪四散狂奔竄至南鄭之牢家壩

臣

與王



文雄卽督率兵勇星夜渡江馳往迎剿初八日  
晚兵至黃官嶺遙見賊匪大駭正在半山屯紮  
山下俱係稻田積水深滿田埂窄狹僅容一騎  
官兵頗難施展

臣

等卽密令叅將鍾岳鮑貴守

備哈國龍楊光時等各挑帶奮勇兵二百名鄉  
勇一百名乘夜分四路魚貫而進另派遊擊邢

誥守備尙其倫帶領兵勇由山溝繞至西路

從旁衝擊並經漢興道文需挑派本地鄉勇設  
伏截殺大隊隨後繼進賊匪見官兵撲至直前  
抵拒鍾岳鮑貴等分督兵勇搶上半山鎗礮齊  
發立斃賊匪五百餘名生擒二十二名時邢承  
誥等已帶兵繞至賊右奮勇衝殺復殲賊二百  
餘名又經本地鄉勇截殺一百餘名有鄉勇張  
明奎搶獲賊匪大礮復衝入賊隊欲擒騎馬賊

目致被亂矛攢截陣亡賊衆捨命翻山折回四  
川南江縣境查該處正通寧沔大路現在趕運  
川餉尤須加意防護是以卽將兵勇分布各要  
隘堵截其永德所帶山西官兵臣已札商宜綿  
派赴西鄉罐子山防堵現在陝境業已寧謐川  
餉由寧沔大路接續經過並無阻滯此次陣亡  
受傷兵勇另行造冊咨部並查有在配軍犯陳

耀宗吳孔輝黃磬孟德良流犯吳世誦陳裕觀  
等六人節次跟隨兵勇剿賊甚爲出力可否卽  
予開釋之處出自

皇上天恩均奏入

上命軍機大臣傳諭勒保宜綿惠齡恒瑞秦承恩曰  
勒保奏分路剿賊情形雖將開州坪股匪痛加殲  
戮但祇係賊夥頭目而各股著名首逆仍未拏獲

一名不爲滿意現在王三槐等竄至陳家山地方  
卽係林亮功從前屯聚處所徐添德等一股亦向  
開縣奔逃三股賊首自必逃聚一處勒保現已帶  
兵馳赴開縣截剿而德楞泰亦由廣元馳赴南江  
一帶會同惠齡恒瑞等兜截李全高均德阮正通  
冉文儔等各股賊匪明亮自亦趕赴前途與德楞  
泰等合力奮擊正當彼此約會圍截剿務將各

收賊匪以次殄平於七月內一併剿辦完竣道員  
李鉉等帶兵奮勇自應分別加恩至總兵艾如文  
等不能實力防範致任林亮功等竄逸實屬踈縱  
勒保據實叅奏所見尙是已另降諭旨量予獎懲  
所有殺賊陣亡之叅將趙宗濬等五員俱著咨部  
加等議卹至秦承恩奏截回川匪一摺據稱陝省  
現已無賊但漢中一帶毗連川省秦承恩等總當

實力嚴防昨據英善等奏棧道賊匪未靖運川糧餉不無阻滯秦承恩等尤當速行搜捕淨盡疏通道路現在棧道是否肅清甘肅糧餉是否通行無阻並著迅速具奏其在黃官嶺陣亡鄉勇張明魁亦著咨部加等卹賞軍犯陳耀宗等六名隨兵剿賊既能出力俱著加恩准予開釋

上諭內閣曰勒保奏川北道李鈺等剿捕川匪龔懷

仁一股全數殲除並搜獲原失襄陽鎮印信所辦  
尙爲奮勉李鉉著賞給按察使銜署知州常發祥  
著賞戴藍翎領首生員李輝陽著賞給七品頂戴  
俟事竣送部引見鄉勇林貴著賞予千總委牌如  
果始終出力卽於軍營遇缺拔補又據奏荆竹園  
等處打仗出力殲斃賊首林定相之候補同知直  
隸州現署知縣方積亦著加恩賞戴花翎其不能



實力堵剿被賊逸出之總兵艾如文副將王承勳  
遊擊李芝榮俱著拔去花翎令其圖功自贖若再  
不知奮勉卽著勒保嚴叅治罪

二十五日丁景安額勒登保與肇奏言賊匪張  
漢潮等經官兵連日剿殺並設法解散多人屢  
形潰敗遂竄至房竹邊界查該處山勢陡險路

徑紛歧臣景安與臣額勒登保公同商議遂分

兵由左右兩路進擊初五日行抵房縣所屬之魏陳堽吳家堽山梁賊匪正在山溝擄掠兩路官兵從上下壓斃賊多名綸布春帶領馬隊官兵復於坡上衝殺殺賊四百餘名次日四鼓臣等仍分兩路發兵於鐵峪河寶石店等處夾擊賊之滾崖墮河及斃於鎗箭刀矛者又約有一千餘名前後生擒吳季模等五百二十名除附

近被脅民人丁汝年等二百十二名審明卽行  
釋放外其餘均係久經從逆打仗之犯當俱正  
法該匪等翻山奔竄欲由竹山之官渡河偷渡  
經該處鄉勇攔堵遂復竄由菩提河晒淺而過

臣額勒登保帶同綸布春楊遇春等趕擊殺賊

三百餘名淹沒者亦復不少臣景安與興肇帶

兵由官渡口過河旋於司馬崗關山等處與臣

額勒登保會合賊匪見官兵追剿愈緊分作五  
六股晝夜分竄我兵盡力窮追斬敵八百餘名  
十二日賊匪由竹谿界嶺竄入陝省平利縣所  
屬之鎮坪地方臣等查該匪前由興山一帶入  
楚原有二萬餘衆叠經剿殺解散已除三分之  
二原擬於楚境剿除淨盡奈匪衆亡命竄逸首  
逆仍未弋獲實屬萬分焦灼現在臣額勒登保

興肇帶同滿漢官兵一千餘名又添撥湖北湖南官兵二千名卽由鎮坪一帶入陝剿辦其鎮坪東北與竹谿在在接壤誠恐該匪一經剿急又復折回臣景安卽帶同河南山東官兵一面將楚境餘匪搜淨一面探蹤堵剿且現據房縣秦錫疇稟報川匪王三槐徐添德等大股之賊已分竄開縣雲陽滋擾并有夥黨一股業回大

寧邊境等情查川省大寧與房竹歸巴均屬境  
地毗連此時川省兵力壯盛一經下壓賊必盡

向東奔當經

臣

景安咨會提督文圖前往歸巴

界嶺駐劄督率原有兵勇實力堵禦至房縣二

竹邊境雖派兵勇駐守尙形單薄現復飭令添

雇健勇並派總兵王凱前往督率加意嚴防似

此兩處邊界俱有戒備庶不致顧此失彼至

臣

額勒登保等所需糧餉軍火恐一時陝省趕辦  
不及臣景安已飭楚省承辦各員運供暫資接  
濟奏入

上命軍機大臣傳諭勒保宜綿景安惠齡恒瑞秦承  
恩曰景安等追剿竹谿一股賊匪雖殲殺二千餘  
名已除三分之一而賊匪仍由竹谿竄入陝省平  
利縣境豈非驅入鄰境所辦何事景安額勒登保

興肇著傳旨嚴行申飭前據宜綿奏業於洵陽平利一帶派兵堵截今賊匪竄入陝境平利之鎮坪地方正可迎頭截擊何以未據宜綿奏報而景安摺內亦未提及現在額勒登保興肇已帶滿漢官兵三千餘名由鎮坪入陝追剿當與宜綿兩面夾攻併力奮擊若再任輾轉奔逃又復蔓延陝境伊等自思當得何罪至川匪王三槐等夥黨一股現



已竄入大寧難保不闖入房縣歸巴一帶景安已帶兵馳往攔截並令文圖等分路督率嚴防務須察探賊蹤實力堵截勿再任竄入楚界慎之至勒保剿辦川東賊匪仍任王三槐徐添德等竄合一處並未拏獲一名今又任賊匪夥黨由大寧一帶分竄欲思闖入楚境似此往來竄擾何日始能剿竣勒保亦著嚴行申飭現在勒保已赴開縣督兵

進剿並令觀成等於大寧奉節一帶迎截務須策  
勵雲貴新兵鼓勇直前將各股竄匪一律殲除毋  
任復竄楚陝勒保係總統大員所有陝楚各股賊  
匪皆應通盤籌畫悉心調度豈得專管川省一路  
而各省竄匪卽聽之各省自行剿辦以致彼此各  
不相顧東擊西奔迄無成功如此又安用總統爲  
耶今將各路帶兵大員爲之分定責成陝省令宜

綿與額勒登保與肇爲一路專剿現竄平利之劉  
成棟等一股楚省令景安與文圖王凱爲一路專  
堵現欲竄入楚境之川東賊匪惠齡德楞泰等剿  
辦李全高均德阮正通等賊匪如已與冉文儔羅  
其清合夥則惠齡恒瑞明亮德楞泰作爲一路併  
力兜擊若賊首等尙在分竄則惠齡恒瑞專剿冉  
文儔等一股明亮德楞泰專剿李全高均德等一

股如此各剿各股庶責有攸歸無可諉卸而勒保  
剿辦王三槐等一股賊匪仍當察探各路賊情相  
機布置爲之聲援策應不拘何路能將賊首拏獲  
俱係總統之功若賊匪由何路竄逸不特此一路  
領兵大員責有攸歸卽總統亦無可諉罪而各路  
領兵大員仍不得推卸總統稍存觀望必須各加  
策勵合力堵剿賊匪方不致往來奔竄若各股賊

匪於何路逸出卽惟該路領兵大員是問經此番  
訓諭之後若仍前觀望不知同心協力奮勉圖功  
必將伊等從重治罪再不能曲爲寬貸也

二十七日

巳未

宜綿明亮奏言

臣

明亮在黃瓜嶺

將後股賊匪剿淨探知川匪一股在西鄉交界  
之菩提河滋擾經柯藩田有成等帶兵往剿賊

匪遂向西竄至城固之二郎壩

臣

明亮自漢中

馳赴西鄉路過娘娘山適與相遇馬步齊進斃  
賊四百餘人生擒羅貴等八十一名訊供此賊  
賊匪是阮學明爲首係阮正通一家又有供阮  
正通亦在其內者因聞官兵俱已追賊入川想  
要乘間至漢中過江北去等語當將該犯等正  
法其時秦承恩王文雄均自鳳縣帶兵趕到臣  
明亮恐該匪仍入西鄉且聞西鄉尙有一股賊

匪在雒家壩屯聚隨將此股賊匪交秦承恩王

文雄追剿

臣

明亮仍帶兵趕赴西鄉攔截嗣行

抵該處知雒家壩之賊業於初八日經柯藩田  
有成等分隊剿殺斃賊一百餘人生擒蕭佑保

等二十一八賊匪已由黑山一帶退回川境其  
阮學明等亦經秦承恩等帶兵剿殺多人匪衆  
竄向南江境內惟湖北竄匪經景安額勒登保

連次追殺竄入竹山竹谿邊界逼近陝境

臣宜

綿已帶兵由二郎舖馳往平利派遊擊李逢春

等帶兵七百名赴竹關乾竹河等處防堵又調

回索費英阿之兵七百名派赴獅子壩白沙河

等處迎擊並令道員溫承惠知州宋昌瑋等各

帶鄉勇分赴要隘堵禦賊匪現已竄入平利境

內之鎮坪額勒登保與肇帶兵跟蹤進剿

臣明



亮聞信急至平利與臣宜綿面商卽帶原領之

索倫吉林廣東兵一千五百名馳至鎮坪與額

勒登保前後夾擊以期迅速賊事臣宜綿現在

督率關騰等帶兵駐劄河口截其西奔至前

次竄入甘省滋擾之賊業經竄至畧陽其先出

者已翻山趕同前股入川後股經臣明亮剿戮

殆盡現在民情安堵如常藩司廣厚暫駐該處

同道員王銳督率委員分路撫卹吉蘭泰帶兵  
一千餘名出駐沔縣寧羗一帶防陝卽以防甘  
至甘省協運川省糧石現在運至畧陽者已有  
一萬六千餘石臣宜綿又飛催委員多備船隻  
源源運送其京餉四百萬兩亦陸續解過褒城  
沔縣一帶經廣元縣接收均可不至遲悞奏入

上命軍機大臣傳諭勒保宜綿秦承恩曰宜綿等奏

擊退西鄉一帶賊匪並夾擊楚匪情形楚北竄匪

經官兵在竹谿竹山截剿復竄入平利所屬之鎮

坪地方額勒登保等務須前後夾攻奮力截擊將

此股竄匪速行剿淨卽同明亮會兵入川方不致

顧此失彼明亮屢經朕宥過施恩且非若宜綿之

年老而兼有地方事務者可比乃帶領勁兵在漢

中擊剿李全高均德等一股日久不能擒獲賊首

仍任竄入川境所辦何事著再傳旨嚴行申飭今  
已踈縱於前若抵鎮坪後又以所剿賊匪另係一  
股仍復觀望遷延致陝省又有滋蔓而高均德等  
一股人不能及早協力搜捕則罪上加罪不能再  
邀寬貸也其寧沔一帶著責成秦承恩王文雄等  
督率兵勇實力防堵毋使川匪復又折竄陝境爲

要

二十九日

辛酉

德楞泰惠齡恒瑞奏言

臣

德楞泰

截殺高均德等賊匪因該匪等向東南竄逸卽

飛咨惠齡等帶兵迎頭攔剿

臣

德楞泰卽督率

官兵緊躡賊蹤於初六日追至石人河地方時

臣

惠齡恒瑞早已帶兵於要隘堵遏見匪衆竄

至遂各奮力迎擊賊猶抵死抗拒適

臣

德楞泰

督領溫春阿穆勒塔等從後追殺而至當斃六

百餘人，則始慌亂狂奔。臣惠齡督率副將銜穆

克登布等。臣恒瑞督率總兵觀祥、副將德忠等

各於要路迎頭截殺，又斃五百餘人。賊匪不敢

拒敵，俱向東南玉山一帶四散。分逃統計此次

殺賊一千餘人，生擒蘇巧等五十餘人。臣德楞

泰與臣惠齡、恒瑞會合當提蘇巧等嚴訊據供

高均德連被官兵剿殺，原想與羅其清、冉文儒

等合夥先令阮正通黑夜偷從僻徑另走希圖牽綴官兵高均德却從此路竄逸不想又被官兵殺散聞得冉文儔龍紹周等要往巖峯灘今高均德等想是仍尋冉文儔等前去等語當將該犯等正法臣等思高均德等窮竄餘生恐復折回陝境而羅其清現在屯聚箕山若任冉文儔奔赴巖峯灘一帶難免不與羅其清歸併必

須分投剿辦當卽公同商酌

臣

德榜秦帶兵由

玉山一帶兜剿高均德等

臣

惠齡恒瑞由立山

一帶截剿冉文儔等卽於初七日分路進兵

臣

惠齡恒瑞於初九日馳抵黑馬山據報冉文儔

龍紹周等股匪逃至老林場山梁屯踞

臣

等卽

抄赴該處西北山梁紮駐遙望賊踞之山前面

均係危崖峭壁不能進攻山左有一小徑山右



乃係上山之路搶至山腰方可會聚臣惠齡於

初十日五鼓帶兵由山左小路攀援而上黎明  
行至山腰見有賊卡我兵連拋火彈將賊人卡  
柵焚燒賊匪猝不及防驚慌逃走被我兵截殺

一百餘人乘勢直上半山時臣恒瑞帶兵由山

右搶上連撲賊卡三座殺斃二百餘人餘衆竄

上半山適臣惠齡督兵堵截又殲斃一百多人

遂與恒瑞合兵奮力仰攻擊破半山賊卡殺賊  
無數賊匪俱奔赴山梁我兵乘勝直上賊人蜂  
擁下壓我兵鎗礮並發又斃賊八九十名並連  
將賊卡焚燒一時烟焰蔽山賊衆四處奔竄被  
我兵分投擊殺並滾崖落澗者不計其數賊由  
密箐山溝內紛竄東南而去生擒趙連等七十  
餘人奪獲刀矛三百餘件賊旗十二桿牛馬五

十餘頭提訊獲犯趙連等據供前日龍紹周與王正潮冉文儔合夥之後卽從關口梁逃至老林場山梁原想奔赴羅其清一處地險人多冀與官兵對敵不料官兵由西北殺來不能逃往箕山祇可仍由東南奔竄等語當將該犯等正法<sub>臣</sub>等伏思該匪蹤跡無常必須急爲兜剿並卽遏其竄往箕山之路隨率領將士悉力窮追

沿途均有殲獲十四日逼至渠縣之大神山一

帶賊復拒險屯聚已離箕山甚遠臣德楞泰追

躡高均德等賊匪於初七日由玉山一帶趕至

九股青崗聞該匪等擾至張家寨石橋河等處

臣德楞泰恐該匪偷渡東竄擾至達州當派副

都統賽冲阿等帶領索倫吉林兵丁星馳往剿

該匪等一見官兵卽向永興場逃走賽冲阿等

帶兵掩殺殲斃二百餘人餘俱折回南竄

臣德

楞奉督率將領分路前進據總兵達音泰遊擊馬瑜等於鐵釘垵追及賊匪奮力擊斃二百餘

人又據阿哈保副將德寧於西河山一帶遇見

賊匪一百餘人當卽殲戮淨盡

臣

德楞泰趕至

石橋河正遇高均德等一股賊匪向北奔竄卽

督兵奮力截殺立斃二百餘人該匪等遠向大

神山一帶奔逃

臣

德楞泰於十四日趕至黃泥

坪與

臣

惠齡恒瑞會晤現在川陝各賊黨均在

一處正可聚而殲除

臣

等兵力既會不慮勢單

自當設法先將冉文儔等會同剿滅以冀次第  
掃除但查大神山之南正通渠縣該處有大河

一道係巴河達河彙合之處舟楫可通恐該匪

被剿情急又思偷渡

臣

等現已飛飭渠縣先將北

岸船隻盡數撤赴南岸並飭該令督率鄉勇等  
於河之南岸設卡嚴防勿任偷越所有連日傷  
亡弁兵查明另行咨部奏入

上命軍機大臣傳諭勒保惠齡恒瑞曰德楞泰等奏  
截剿賊匪一摺祇不過分路追擊情形並未拏獲  
李全高均德仍任與冉文儔竄合一處而李全下  
落又未提及實屬無能已極惠齡恒瑞德楞泰俱

著傳旨嚴行申飭昨日有旨責成伊三人作爲一路併力剿辦此股賊匪務須各知愧奮趕賊首在大神山竄聚之時會合兜圍將各首逆按名拏獲剿淨餘匪再將羅其清股匪一併殲除勿稍延緩再前聞各省賊匪竄入川境後川匪以伊等桑梓地方不容他省教匪前來擾害是以齊王氏姚之富高均德等仍由川折回陝省而劉成棟等亦由



川東竄回湖北今高均德等在陝被剿情急又復  
闖入川省若川匪仍前與之爲難則該首逆等前  
有川匪阻黨後有官兵追擊而寧沔一帶又有秦  
承恩王文雄等帶兵防堵無從竄入正是極好機  
會卽此時陝匪已與川匪勾合惠齡等何不設計  
離間俾其疑忌內潰旣可以賊攻賊而官兵搜剿  
更當事半功倍以視東竄西擊惟事尾追豈不難

易懸殊惠齡等於此等機宜豈竟全未想及一籌  
莫展耶特此詳晰指示著惠齡等接奉此旨務須  
相機妥辦毋得坐失機宜爲要

同日高杞奏言

臣

前因大兵剿賊已至竹谿縣

境距鄖較遠當將後路鄉勇裁撤並因該處緊  
接陝西平利等縣設賊竄入陝境大營所需軍  
火糧餉恐該省驟難接辦仍飭楚省隨營各員

趕辦應付茲據探報六月初旬以來城經大兵  
連次痛剿勢極窮蹙於十二日遁入平利縣鎮  
坪地方景安與額勒登保等率兵馳往兜截

臣

已飛飭楚省糧員無分畛域趕運接濟必俟陝  
省接手有人方許交替至此次川匪闖入楚境  
雖於先被蹂躪之處復肆焚擾其詭譎伎倆原  
欲於完善之區恣意擄掠腹地居民藉有兵勇

防邊未免心存大意不復設備以致倉猝無措  
而荊州距城十五里之沙市鎮係川楚水陸通  
衢商民輻輳爲賊注意已久前此賊甫入境商  
民因無城堡可恃逃散一空景安與臣先計及  
此率兵遄進賊匪震懾潰竄該鎮幸獲保全商  
民當卽轉回臣等以爲與其逃避於臨時何如  
預防於平日當飭道府激勸該鎮紳士商民咸

各感奮除南面臨江排列檣木可保無虞外其  
東西北三面週圍十有餘里卽日捐集人夫擊  
築土堡並於堡外開挖深濠洵足以壯聲威而  
資捍衛此外緊要市鎮亦飭倣照辦理其襄郡  
對岸之樊城更爲扼要前歲亦因無城可恃猝  
遭賊擾前督臣畢沅循照舊址丈量週圍城身  
奏准借項修復迨前撫臣汪新因賊氛未靖恐

致奸宄溷跡奏明緩修在案上年臣在襄樊防

堵見商民一聞有警遷避不遑當與汪新面商

莫若於東西北三面仍循舊址趕築土堡而於

臨江各埠岸建立木柵亦可藉作藩籬實屬簡

便易行節據襄陽府張瑤署襄陽縣陳宋賦等

首倡捐廉闔鎮紳商人等踴躍樂從卽願捐資

鳩築如式完固此番賊過襄陽妄思偷渡該鎮

居民恃以無恐堵禦極爲嚴密臣現復飭諭嚴

防不許稍存懈忽其土堡遇有雨淋殘缺之處  
立時修補結實以期久遠鞏固藉資屏障奏入  
報

聞

景安高杞又奏言前撫臣汪新於本年二月內  
因節辦軍需事宜奏請撥銀一百萬兩甫解到

襄詎川省竄匪正由巫山關入楚境焚擾汪新

因兵力單薄又多集鄉勇堵禦而臣景安暨額

勒登保等先後帶兵來楚所需兵勇鹽菜口糧

及隨營夫騾腳價既多且急而調撥各處軍火

糧料各州縣錢糧多已蠲緩無可動用均資部

餉辦理是以現存已不滿三十萬兩此時賊雖

竄入陝境而額勒登保等與臣景安分率兵勇



前後截剿糧餉一切陝省驟難應付仍當由楚  
接濟且川省賊匪分竄大寧雲開等處與楚省  
路路可通不特鄖陽防邊兵勇不便撤退更須  
添募健勇於房竹交界扼要嚴防而宜施兩府  
亦與川境在在毗連宜昌府所屬之巴東歸州  
緊鄰巫山大牙交錯尤爲甚重現接勒保知會  
令楚省嚴加堵截業已添調施南前此出力紳

勇赴江協助遠道趨公尤應酌加口食此外如  
撫賑難民修築工程以及善後一切無不需用  
孔急惟有仰懇

皇上天恩勅部再撥銀一百五十萬兩趕解來楚以  
濟各項急需臣等仍當隨時加意撙節辦理奏  
入得

旨行在該部速議具奏

同日

行在戶部奏言查楚省賊匪現俱竄至陝西平利地方該省並無剿捕事宜不過撫卹難民修築工程等事需費尙屬有限惟鄰近省分存貯無多應請仍於部庫存貯銀內撥銀一百萬兩令直隸河南各督撫照例派員迅速解往備用仍令該督撫隨時查察樽節核銷奏人得

言依議速行